

ELECCION DI REINA TA UN BERDADERO ESPECTACULO

Shownan durante presentacion oficial ta locual ta resalta mas durante e evento aki

ORANJESTAD(AAN)- Dia-huebsanochi den un Aruba Entertainment Center totalmente yen a tuma lugar eleccion di Reina di nos Carnaval number 39. E anochi aki tabata uno cu e 11 beyezanan a presenta den un forma sensacional y mester bisa cu cada uno ariba su mes a keda un berdadero reina. For di comienzo caba a muestra cu lo bay tin un tremendo bataya entre e reinanan ya cu casi bo no por a reconoce nan di e elegancia cu nan a keda e anochi aki.

Locual cu mas ta resalta durante e eleccion di reina ta e shownan cu ta worde duna durante e presentacion oficial di e reinanan. Cada uno ta bini cu algo diferente y cu ta combina cu e ambiente carnavalesco locual cu e publico presente ta keda sumamente entusiasma y impresiona di e shownan cu ta worde duna y e coreografia tremendo cu tin tras di e shownan aki.

E 11 candidatanan pa Reina di Aruba su Carnaval Dia-huebsanochi a bini todo por todo pa conquista e titulo. Cumenzando for di number 1 te cu number 11 e anochi aki a duna un tremendo presentacion. Locual tambe ta di aprecia ta cu e MC nan den persona di Scorpio Garcia y Gloria Vega a combina nan trahe cu e vestuario locual a keda masha bunita mes treciendo un berdadero fiesta di carnaval.

Juradonan pa e anochi aki tabata Norma Tingelstain di Merca, Gustavo Aboga di Argentina, Apolinario Barros di Merca, Paul Laco di Canadá, Antonia Anese di Caracas, Lin Sanders di Canada, Louis Calinda di Merca y como Presidente di jurado tabata Lorena Maduro y su asistente Vivian Maduro cu a haci e conteo di votos via computer.

E anochi aki tambe tabata di juradonan pa eligi e trahe di disfraz mas bunita di carnaval. Pa e seccion aki tabata tin tres jurado consistiendo di Shalin Luidens, Mildred Kelkboom y Gloria Ahlip. E disfraz mas bunita escohi pa e juradonan aki a keda esun di Rachel Kraayvanger representante di Coastal Club.

Miembronan di prensa

Signi lesa pag. 21



ELDRITH HENRIQUEZ
Representante di Oranjestad

Candidata Nr. 1 Srta. Eldrith Lucia Henriquez representando Oranjestad e anochi aki den su promer presentacion a trece un disfraz di fantasia di pluma cu combinacion di shinishi, plata y oro. Eldrith cu tin solamente 18 aña di edad y di signo Leo ta gusta practica kickboxing y bodybuilding. Su sugerencia pa carnaval ta: "Laga nos tene pa tur hende y ban engrandece e carnaval di Aruba mas y mas".

Den su presentacion oficial Eldrith a presenta den un trahe blanco, dorna cu preto, plata y oro.



MELISSA RASMIJN
Repr. Savaneta

Representante di distrito di Savaneta e anochi aki den su segundo presentacion a trece un berdadero espectáculo di carnaval caminda el a trece un combinacion di show di Thailandia cu e ritmonan Arubano na unda cu e publico a goza inmensamente di e espectáculo aki. Y naturalmente prensa a duna su apoyo na e show aki y a eligie e best show di e anochi aki.

E beyeza di Savaneta Melissa Agnete Rasmijn di 19 aña di edad y di signo Aries ta gusta baila y lesa boeki. Na prome instante caba el a bini cu un elegancia di fantasia di cocolishi dorada. Den su segundo presentacion el a presenta cu un trahe masha bunita mes color oranje. Su sugerencia ta: "Pa tur hende respeta reglanan di carnaval y pa engrandece nos carnaval".



GIGLIOLA ARENDSZ
Repr. Marinier

Miss Mariniers Gigliola Germaine Arendsz a presenta primeramente como un Egyptian Queen y den su trahe oficial el a presenta cu un trahe blanco cu striknan rood, wit, blauw. Su show di marineronan tambe tabata algo masha great mes pa presencia. Gigliola tin 23 aña y ta cay bao di e signo Sagitario, su hobbynan ta Landa, baila y modela. Su sugerencia: "E ta kere cu mester uni hunto pa engrandece mas e carnaval y pa join e carnaval y traha hunto den union y alegria".



RACHEL KRAAYVANGER
Repr. Coastal Club

Como reina di disfraz y alavez Reina di Aruba su dushi carnaval nr. 39 Rachel Kraayvanger for di momento cu el a presenta ariba escenario a presenta cu un elegancia cu por a nota cu e tabata sigur di su mes e anochi ey. Rachel representando Coastal Club a presenta den su disfraz di fantasia di mundo di insectos. Di signo Aries y cu solamente 17 aña di edad ya caba e ta gusta canta y practica bodybuilding. Momento cu el a presenta den su trahe oficial di color blanco y parti ariba decora cu un tela di diferente color por a nota caba cu e tabata un di e favoritonan pa e anochi ey. Su sugerencia: "Pa tin mas respet entre otro, pa asina e carnaval por crece. Pa no tin discusion y no ta importa ni color, posecion y rasa".



ISHELLA CHANG
Repr. di Dakota

Como candidata nr. 5 e representante di Dakota Ishella Chang, tambe a sa di bini cu un batayon di apoyo. E anochi aki el a presenta prome cu un fantasia di pluma blauw cu oro. Representando un Geminiano e ta conta cu 17 aña di edad y su hobbynan ta canta, scucha musica y baila. Su trahe oficial pa e anochi aki tabata uno preto combina cu silver.

Su sugerencia ta: "Como representante di Dakota, kier a pidi henter e pueblo di Aruba pa uni nan fantasia y nan creatividad na otro pa asina sostene e pilar di nos economia, cual ta nos turismo". Ishella Chang a worde eligi como segunda finalista.



MARUOUSHKA KOCK
Repr. di San Nicolas

Yen di color y fantasia e reina di distrito di San Nicolas Marushka Shahaira Kock a presenta den su trahe di disfraz. Den su trahe oficial Marushka tambe a presenta den un trahe preto combina cu telanan cora cu berde y decora cu flornan cora. Marushka tin 20 aña di edad y ta cay bao di e signo Sagitario. Su hobbynan ta mira television, y scucha television. Sugerencia ta: "No ta solamente den carnaval bo mester ta alegre sino aña aden, aña afo, bo mester ta alegre".

TELEFONAN di DIARIO
22207-26747-35023

Cont pag. 20

tambe a tuma parti e anochi aki na e eleccion eligiendo Miss Fotogenica y e Best Show di eleccion di Reina.

Como Miss fotogenica a keda e representante di Mariniers Kazerne Gigliola Lacle y como e best show di e eleccion tabata esun di Reina di Savaneta.

For di e 11 candidatanan a escoge solamente 3 finalista cual a keda como lo siguiente. Como 2nda finalista Ishella Chang representante di distrito di Dakota, 1st runnerup e representante di Colegio Arubano Meredith Lacle y como Reina di Carnaval 39 Rachel Kraayvanger di Coastal Club.



Best show di eleccion Reina di Carnaval 1993 tabata di sun di representante di Savaneta Melissa Rasmijn. E show tabata un combinacion di ritmo Thaiandes cu e ritmonan cu ta forma parti di nos cultura.



MEREDITH SOLOGNIER
Repr. Colegio Arubano

E ultimo candidata cu a subi escenario ta e representante di Colegio Arubano Meredith Ardith Solognier. Su trahe cu el a subi escenario cu un combinacion di fantasia di nos carnaval yen di pluma di varios color. Su hobbynan ta gusta hunga tennis y su mensahe pa carnaval ta: "Como representante di Colegio Arubano ta sugeri pa nos analisa e foutnan cu a worde haci den añanan anterior, pa nos por trece un posibel solucion pa sostene nos carnaval como pilar di economia cu ta turismo". Ricibiendo un apoyo total tambe di su school el a presenta oficialmente den un shimis color di plata combina cu bifa y berde y abao yen di plushi y decoracion bifa.

Despues di e presentacion oficial di e candidatanan tabata tin entre otro presentacion di e grupo di baile Arubaille. Mighty Hippy un biaha mas a lanta e publico cu su cancion di Tingeling Song, presentacion di Reina Hube-nil 1993 Jeuline Abspoel y tambe e ultimo paseo di Reina di Carnaval 1992 Monica Saladin.

Palabranan di pabien ta bay na tur esnan cu di un of otro manera a contribui na e show aki cu a bira un berdadero espectáculo y cu cada aña ta bira mas y mas grandi.



JESSELY TROMP
Repr. Brazil

Representante di distrito di Brazil Jessely Maureen Tromp e anochi aki tabata candidata number 7 cu a presenta primeramente cu un fantasia di pluma di colorman roos cu bifa y plata y pa despues bini den su trahe oficial color berde. Su hobbynan ta pinta y spaar moneda y actualmente e tin 18 aña di edad y di signo Virgo. Su sugerencia ta: "Pa tur hende comporta nan mes, pa mañan nos turistanan no haya mal experencia di nos carnaval".



LUANNE EMAN
Repr. Tivoli

Un di e candidatanan cu tambe tabata tin un apoyo masal e anochi aki tabata e representante di Aruba Tivoli Club Luanne Charlize Eman di 21 aña di edad. E anochi aki el a keda tur na un solo ya cu den su trahe di disfraz el a bini cu un trahe representando solo di color preto y oro y den su trahe oficial tambe el a presenta un trahe blanco cu un bodypiece di solo. Su hobbynan ta aerobics y snorkling y su sugerencia pa carnaval ta: "Pa tur hende join otro pa carnaval bira un carnaval grandi y pa no tin discusion entre e clubnan y distritonan y tambe pa Tivoli su lighting parade bira mas grandi."



FABIOLA LACLE
Repr. Paradera

Den su trahe di fantasia di paz mundial den estilo di un boa blanco yen di decoracionnan e representante di Paradera Fabiola Lisandra Lacle tambe a trece dilanti su sugerencia pa carnaval. "Sigui coopera cu carnaval y esnan cu ta coopera ta worde gradeci, pasobra ta nan ta haci nos carnaval grandi, pa dia nos bira bieu, nos por sigui goza di carnaval". Fabiola di 17 aña di edad y di signo libra den su trahe oficial a bini cu un shimis full blanco cu adornonan ariba dje.



MILLY TROMP
Repr. Leo Club

Representando un Jungle Queen candidata number 10 Milly Tromp di Leo Club Aruba a subi escenario den su trahe di disfraz. Contando cu 22 aña di edad y di signo Acuario e ta gusta coopera cu hende y su sugerencia ta: "laga nos ban coopera, no solamente den carnaval pero den tur temporada, pa asina muestra cu nos ta feliz y orguyoso". Den su trahe oficial el a presenta cu un trahe dorada yen di stenci di oro.

Open daily from 6pm to 12 pm
Arendstraat 124 TEL: 30365
US\$ 29,95 per person
A first for aruba
A full 5 course a la carte
dinner for one price

FLAMENCO SHOW
Tur dia 9:00 p.m.

UN GLAS DI SANGRIA CU DINNER GRATIS!

No laga
pa despues,
sigura
bo mes awor

A.F. Aponte
INSURANCE BROKERS
Tanki Leendert 293
Tel: 24228
Fax: 34362

OPORTUNIDAD PA TRABAJO
DE PALM TOURS
tin mester di

UN TELEPHONE OPERATOR

- Mester por papia Ingles, Hulandes, Spaño y Papiamentu
- Mester tin bon recommendacion
- Mester por traha riba Diadomingo y dianan di fiesta
- Mester tin werkvergunning

Esnan interesa por yama Señor Kenneth
Alias na 24400, ext. 42.